

ЕРБОЛ ШАЙМЕРДЕНҰЛЫ

ЖУРЕКТЕГІ  
ЖАЗЫЛAR

Қазақстан Республикасының Мәденист және  
ақпарат министрлігі  
Ақпарат және мұрагат комитетінің багдарламасы  
бойынша шығарылды

*Ақын Ербол Шаймерденұлының жаңа жыр жинағы  
айшықты азаматтық үнімен, терең ой сарынымен, ақ адаптациялы  
сырышылдығымен ерекшеленеді. Адам мен қоғам туралы,  
өмір жайлыш сезім мен сенімнен өрілген сыршыл толғаныстар  
шынайайлығымен тартыымды. Отанишылдықта, ададтық  
пен арлылықта шақыратын ойлы өлең, оттың жырлар жыр  
сүйер қауым жүргегіне жол табар деп сенеміз.*

*39524*

# ЕРБОЛ ШАЙМЕРДЕНҰЛЫ

Поэзия — мен үшін жанымның шырылы.  
Басқа ештеңде де емес.

*М. МАҚСАДАЕВ*

Слово поэта — это формула его души.

*С. АБДУЛЛО*

ББК 84 Қаз 7  
Ш18

Ш18 Шаймерденұлы Е. *Жүректегі жазулар.*  
– Алматы, “Өлкө”, 2006. – 240 бет.

Ш 4702250200  
00 (05)-06

ISBN 9965-742-75-8

© Шаймерденұлы Е., 2006  
© “Өлкө” баспасы, 2006

*Жанымының  
жөнілік жаңырағасын*



## *Отан*

Үргағы бар жанымда жыр-әніңің,  
Қылғысы бар қанымда құланыңың.  
Өзің үшін от басса — өкінбейтін,  
Елін сүйген ер мінез ұланыңмын.

Дөңгелетіп дүние доңгалагын,  
Келеді алып өр толқын, толғақ ағын.  
Жанарыңда ойнаған мен бір сәуле  
Теңзіңің тамшысы мен боламын.

Мына өмірде мың тұрып, мың сүріндім,  
Ұқтым солай не екенін күрсінудің.  
Жапырақ боп жайқалып тірлік кешкен,  
Ақ қайыңың қара мең бүршігімін.

Аян мәңгі өзіңсіз күн жоқтығы,  
Керегі не басқаның білте, оттығы.  
Мен — бір ғұлің ашылған сайыңдағы,  
Мен — бір тасы тауыңың, бір шоқтығы.

Бұлағыңдан нәр алдым қанша тұнық,  
Сан кездім ой шақырып, қыр шақырып.  
Сен — айлақ алып шығар бар айдынға.  
Сен — менің әлемімнің ақ шатыры.

Жаным Отан,  
сырың — сан, өлшемің — мың,  
Сен — бір ғарыш, мен — сенің жер серігің.  
Сен деп соққан жүрегі,  
жаны — сенде,  
Перзентіңмін — бір түйір бөлшегіңмін!

## *Көзіңір ту*

Желбіре, көгілдір ту, көк аспанда,  
Не жетсін елге теңдік жарасқанға.  
Сен — менің құдіретім, кием асыл,  
Айбарың айтсын сөзді адасқанға.

Төрінде ту көтерген туған елдің,  
Шалқисың толқынымен тулас желдің.  
Тұғырына тәңірлік түс қайта қонды,  
Қызылға қол созбаймыз шулап енді.

Азаттық аңсарынан кемел қарман,  
Мұраты бүгінгінің — алыс бармақ.  
Атынан алашымның топқа кірді,  
Көк туы қазағымның әлем шарлап.

Көк байрақ, көк жалауша, көк асаба,  
Тәрізді құт қазан мен қара саба.  
Шідерін бодандықтың үзу үшін,  
Жеткендей тарих өзі арашага.

Көкшіл түс қымбат саган, қымбат маган,  
Қабақпен сыр үқтырып, тіл қатпаған.  
Өйткені, ол өзінің бар қасиетін,  
Халықтың жүргегіне құндақтаған.

Керемет, керім біздің көкшулан ту,  
Бағына бақытты Отан бек туған ту.  
Бастайды уақыт көшін болашаққа,  
Есесі кеткен күннен жоқ қуған ту.

Шектіріп қанатына күн арайын,  
Дегендей шыңға шырқау шығарайын.  
Тұыңда қонды құтың қыран болып,  
Азатсың, тізерлеме, түр ағайын!

Кірмесін кіріптарлық тусіңе енді,  
Елдіктің, еркіндіктің құсы келді.  
Ұшырып алмағайсың абайсызда,  
Кесірлік күні туса кісінейді.

Жер болған көңіліміз көтеріліп,  
Шалқымыз қаршыгадай кетер іліп.  
Ес жиып, ерге қонар шақта мына,  
Бер, тағдыр, пендешізге жетелілік.

Түйін көп тәуелсіздік торабында,  
Біз кірдік белді шешіп сол ағынға.  
Ажарын аша түскен асыл тудың,  
Көзайым өрнегі бар жолағында.

Өз туы, өз ардағы алашымның,  
Содан да жанға жайлы, жарасымды.  
Астында тұрап жүрттың өсе берсін,  
Көптігі қуат болар қарасынның.

Шөлдесе ел қиян кезіп су іздеңген,  
Сарсылып сан тараулы ну ізбенен.  
Қуанам көптің бірі болғаныма,  
Ішінде ел атынан ту іздеңген.

Үмітті халқым сені иемденген,  
«Тұым бар — еншім толық тиер» деген.  
Елімді, елін сүйген біздерді де,  
Жүргейсің желеп-жебеп киеңменен.

Желбіре заңдарларда зерен туым,  
Еркіндік сүйіншісі — ерен туым.  
Күе бол бағы асқан сәттерінің,  
Жаңа ұрпақ бүтінгіден кемел туып.

Көк туым иілмесін, жығылмасын,  
Көзге — жас, кеудеге — өксік тығылмасын.  
Тұрганда көк байрағың көкті шіреп,  
Тұған ел, сен қашан да тұғырдасың!

## *Ұнсіздік*

*реквием*

Ұнсіздік... Бір минет... Ұнсіздік,  
Зердені езеді зіл сүмдық.  
Қаңтардың қарындаій бораған,  
Қасірет,  
қайғы-шер,  
құнсыздық!

Ұнсіздік... Ұнсіздік... Ұнсіздік,  
Жаңда — шоқ...  
бір суып, бір қыздық.  
Алаштың аймаңдай ардагы,  
Атты еken,  
сатты еken кім Сізді?

Ұнсіздік... Ұнсіздік... Ұнсіздік,  
Ойда — өрт...  
бір суып, бір қыздық.  
Тарыдай шашылған қазағым,  
Тозаққа айдаған кім Сізді?

Үнсіздік... Үнсіздік... Үнсіздік,  
Көз тұман...

бір сұып, бір қыздық.  
Аштықтың аузымен, азалым,  
Қынадай жайпаған кім Сізді?

Үнсіздік... Үнсіздік... Үнсіздік,  
Қан — қара...

бір сұып, бір қыздық.  
Кісі етін жердей қып, сормаңдай,  
Кісәпір еткендер кім Сізді?

Үнсіздік... Бір минөт... Үнсіздік,  
Дегендей терең сыр, тылсымды ұқ.  
Ұмытпа!  
Ұмытпа өткенін...  
Жаһанды жайпаған бір сүмдық.

Үнсіздік... Үнсіздік... Үнсіздік,  
Үрейді ұшырған үнсіз түк.  
Тұсын тозаққа сүйреген  
Табаны тайғанақ бүрсіздік.

Үнсіздік... Үнсіздік... Үнсіздік,  
Әр жүрек өзінше сыр сүздік.  
Қара жер жеткізсе, қыршындар,  
Бас иіп, сәл кештеу күрсіндік.

Үнсіздік... Үнсіздік... Үнсіздік,  
Тәңірім туған жоқ үнсіз қып.  
Бүгінге, ертеңге сабак бұл,  
Алды орап кетпегей бір сүмдық!

## *Абылай атандындағы си*

Хан баба дағы,  
Сан қаладағы,  
Алаңдар болып анталамады.  
Елдікті еске салатындығынан болар,  
Пендешиліктен асып паң қарағаны.

Асырмасын деп жат ойдағысын,  
Көтеріп ақ ту атойлағаны үшін.  
Қорыққандықтан да болар...  
Құн сұрайды-ау деп,  
Атамекенінде ат ойнағаны үшін.

Елім деп еңіреп күн кешкендіктен болар,  
Тарихпен терең үндескендіктен болар.  
Тәуелсіздік туын аманат етіп,  
Болашақпенен тілдескендіктен болар.

Ескерткіш оған қимаган, балам,  
Алтын деп мысты жинаған заман.  
Ұмытшақ ұрпақ сынтастарына да,  
Сыймаған бабаң ... сыймаған бабаң.

Өлмейтін арман жетегіне еріп,  
Откелек жылдар өтеріне сеніп.  
Жантайған содан Абылайхан алаң,  
Оқжетпес таудың етегіне келіп.

Жалғандықтардың жүздерін тіліп,  
Замандар келер іздерін біліп.  
Мәртебелі алаң жатыр сол әлі,  
Жаз демі сіңіп, күз демі сіңіп.

## *Әркіншік жыры*

Көңілдегі көк толқындай тула, жыр,  
Астар жатыр алаңдатар шуда бұл.  
Елеңдейді еркіндіктің елігі,  
Қара орманда қансыраған бура жүр.

Қалай ғана ауырмасын жүрек бұл,  
Біреуге — күн, біреулерге керек құл.  
Жас өскінге жасын түссе қайтем деп,  
Жел өтінде жанын жеген терек түр.

Озбырлықтан өрт тұганып жатыр-ау,  
Терек-төзім тағы ышқынды:  
«Япыр-ау,  
Сенің неге өзегіңді құрт жейді,  
Өз отымды өзім жақсам, бәтір-ау».

Тісін қайрап алас ұрган дау- шарғы,  
Неге құмар лайлауга кәусарды.  
Еси бар ер айырбасқа салар ма,  
Еркіндігін — елдік мұрат, аңсарды.

Долы дауыл, шаңырақты шайқама,  
Басыл енді заман бетін байқа да.  
Тең терезе достық үшін ежелден  
Біздің елдің құшағы ашық айқара.

Терек-төзім теңсөледі түнеріп,  
Маң далада мың тірілген, мың өліп.  
Бодандықтың қыл бұрауын өртеген,  
Бостандықда құштарлықтан күн өріп.

Таң нұрымен арайланған төңірек,  
Жатыр маздалап ошағында өмір-от.  
Тәуелсіздік — тәй-тәй басқан нәрестем,  
Сұқ көздерден сақтағайсың, құдірет!

Ақ жауынның астында  
жеттік саған, Денізлі,  
Көніліміздің кәусарын  
тектік саған, Денізлі.  
Туу үшін осы сәт  
үрпақтары ер түрік,  
Сан сырынан тарихтың  
өтті аман, Денізлі.

Жерүйықтай гөзал бір  
көркемсің сен, Денізлі,  
Ұлы түрік бағында  
өркенсің сен, Денізлі.  
Өртенсе де өлмеген,  
феникстей түлеген,  
Ұлы жүрттың ошағы,  
өртеңсің сен, Денізлі.

Келешекке басталар  
бүгіннен із, Денізлі,  
Ұлы жолға ұласып,  
қосталар із, Денізлі.  
Ұқыласыңнан гажайып  
күн қондырып көнілге,  
Бүйірса ертең ауылға  
аттанамыз, Денізлі.

---

\*2000 жылы Түркияның Денізлі қаласында өткен Бүкіл дүниес жүзіндегі түркі тілдес елдер өкілдерінің VII құрылтайында оқылган жыр. Түркі тіліне аударылған.

Жиып-теріп асылын  
елдегі ойдың, Денізлі,  
Бір нұктесін ғасырдың  
сенде қойдық, Денізлі.  
Ақиқаттың желкені  
Ақ теніздей шайқалды,  
Тұшысымен жарысып  
кермегі ойдың, Денізлі.

Өзің бүгін ой-мұхит,  
тамам ел - сен, Денізлі,  
Ала кетер едім гой  
маған ерсен, Денізлі.  
Намыс туын көтеріп,  
намыс отын көсеген,  
Кездескенше күн жақсы,  
аман бол сен, Денізлі.  
Аман бол сен, Денізлі!  
Аман болайық!

## *Аттила*

I

*Еділ бабаны төл тарихымызға снгізіп, әдебиетте шынайы бейнесін жасап, тұған халқымен қайтадан табыстыруымыз керек. Еділ де - Қорқыт ата сынды бөліп-жарылмас ортақ қазынамыз.*

Ш. Айтматов

Елдік пен ерлік ұраны,  
Әмірін әлем тыңдаған.  
Даланың қайсаρ қыраны,  
Аттила — сенің ғұн бабаң.

Алтынжал түлпар астында.  
Туында айқыш таңбасы.  
Дүшпанын талай састьырган,  
Аттила — сенің қандасың.

Қанында кегі қайнаған,  
Қолбасшы одан озбаган.  
Құлағында аттың ойнаған,  
Аттила — сенің өз бабаң.

Сағыныш жүрек жандырган,  
Асырган талай таңға таң.  
Шөлін тек қымыз қандырган,  
Аттила — сенің аргы атаң.

Оянып зерде серпіліп,  
Оралып бәрі жатыр ғой.  
Римді алған ер түрік,  
Аттила — Еділ батыр ғой.

Керегін таңдалап ал сүзіп,  
Келді ғой кеziң танитын.  
Алыстан жазған дәм-тұзын,  
Аттила — сенің тарихың.

## II

*Аттила есімі адамзат тарихындағы ұлы тұлғалар —  
Александр Македонский мен Юлий Цезарьдің  
қатарынан орын алады.*

А. Тьери

Аттила!  
Еділ батыр Мұндықұлы!  
Мәңгіге соққан биік тұғырын ұлы.  
Қалтырап қаһарынан бүкіл ғалам,  
Жығылған аяғына құлдық ұрып.

Танытқан не екенін елдік, ерлік,  
Асыл тәж, данқ-мұнара, алмас кездік.  
Салт шығып сахарадан  
Римді алған,  
Тамсанған Европа қалпын сөз ғып.

Аттила!

Еділ батыр — ғұнның ұлы!

Шығыстан көтерілген құннің ұлы.

Жолында кездескенің бәрін жүтқан,

Ақ шағыл ала құйын құмның ұлы.

Қозғалмас қара боран соқса уілдеп,

Үйренген қайсарлықты сексеуілден.

Шүйіліп дүшпанына қара бұлтша,

Күркіреп қан майданда Көкше күлген.

Аттила!

Еділ батыр далада өскен,

Бесігі бабалардың — қара көште.

Басы ұлken, орта байлы, сом денелі,

Көздері жанған отты салады еске.

Шалт қимыл, күміс дауыс, бидай өнді,

Жаратқан кемел етіп тәңірі оңды.

Хас батыр,

Жолбарысша атылатын,

Жаужүрек, айласы үшқыр, қыран ойлы.

Аттила!

Еділ батыр! Қайран баба!

Қияга көтерілдің сайдан, баба!

Көтерген дүниенің қан қысымын,

Тағдырың тағдыр емес...

Майдан, баба!

Дүние тегершігін бұрап қолмен,  
Жаң бар ма сендей самғап...  
Құлап көрген?!

Атылған алтын жебе ай-арманға,  
Екенсің, қайран бабам, шын-ақ мерген!

Аттила!  
Еділ батыр! Жұрт мақтаны!  
Тамсантқан бүкіл түркі ұрпақтарын!  
Европа жүрегіне туын тіккен,  
Азия аспанынан шырқап барып.  
Ақ жалын,  
арда мінез,  
асыл тектен,  
Кеудесін кердеңдердің басып откен.  
Айналған өшпес рух алауына,  
Кек қылыш - түскен бейне жасын көктең!

*Ақынды ақын ететін оның рухының құдіреті.*

Г. Манн

*Ерлік деген — өлімнен қалай қорықласаң,  
шындықтан да солай тайсалмау.*

Н.Бердяев

Алаш алаш болғалы,  
Төр түтқан талай кемелін.  
Ел қондырган ордалы,  
Ту ұстап небір еренім.  
Аңсарын көптің түсінген,  
Аймандаіы ішінде,  
Махамбет бабам, сен едің!

Төпелеп бір жыр төккенде,  
Халқыңда қазына кен едің.  
Намысқа тартып кеткенде,  
Алдында кім түр демедің.  
Бойыңдағы амалың —  
Найзаң менен қаламың,  
Қайда салса — тең едің.

Ақын да батыр елде жоқ,  
Асып бір туған өнерің.  
Ел үшін десе — шерге тоқ,  
Қақыратып қабырға сөгерім.  
Күреске өмірін арнаған,  
Махамбет бабам — нар бабам,  
Есіл бір туған ер едің.

Исатайдай арыстың,  
От қайрағы, белі едің.  
Оққа айналған намыстың,  
От қайнары, кегі едің.  
Өзің де оттан жаралған,  
Жағаласта жан алған,  
Өзекті ердің өрі едің.

Дұлығалы ер, дұлы ер,  
Дұлығам сынар демедің.  
Құланды жер, құлы жер,  
Құланды жығар демедің.  
Еділ менен Жайықты- ай,  
Ескексіз кешер қайықтай,  
Тәуекелшіл, кең едің.

Адырнаны аңыратып,  
Атар бір жебе сен едің.  
Құм Нарындаі боратып,  
Жауыңды жерге теңедің.  
Қасиетіңді ел білген,  
Ұраныңа еріп көп жүрген,  
Көкбөрі текті ер едің.

Күй қондырған шанаққа,  
Тереңінен тартып көненің.  
Ән талдырған қанатта,  
Желбіретіп жырдың желегін.  
Сөйлеп бір сөйлеп кеткенде,  
Аштырған ауыз бектерге,  
Тілдіде шешен сен едің.

Бейбітте бағылан шуақты,  
Тұнықтың терең кемелі.  
Қамал бұзар қуатты,  
Рухтың тасқан селі едің.  
Жүргегі — түкті, көзі — өрт,  
Өлеңі — текті, өзі — серт,  
Халқыңда қорған сен едің.

Аңсары асыл — азаттық,  
Ойыңдың қазса тереңін.  
Отында тұрып тозақтың,  
Қазагың — сүйер, сенерің.  
Тағдыр бір соққан жартастай,  
Махамбет ақын нарқасқа,  
Азамат нағыз ер едің.

Бәсіне бас пен жан тіккен,  
Елінің білген керегін.  
Қарысы үшін қан төккен,  
Жерінің білген керегін.  
Бүгін де керек қазаққа,  
Ертең де керек қазаққа,  
Махамбеттей шер ерің.

\* \* \*

Қор қылма, тәңірі шеберім,  
Қолдай көр, тәңірі шеберім!

## *Мағжан аға*

Қайран менің Мағжан ағам,  
Келем іздел жар жағалап.  
Қия шыңдар үндемейді,  
Жұгірер деп қанжар ала.

Келем іздел сай қуалап,  
Қылымсиды Ай сығалап.  
Дейді қыран көрек көкке,  
Сықылықтап бір сұғанақ.

Жоқсың даала,  
қалада да,  
Жаныңда жан бара ала ма.  
Құштар едің өр толқынға,  
Айналдың ба шағалаға.

Күн лебі бар құлісінде,  
Тұған жердің нұры сіңген,  
Қабірің жоқ жер бетінде,  
Өлген жоқсың — тірісің сен!

Озбырлықтан өктем, төтен,  
Азапты көп шектің, көкем.  
Қиянатқа тәзе алмай,  
Көкке ұшып кеттің бе екен.

Безіп тірлік ұсағынан,  
Тексіздіктер тұзагынан.  
Тазалықты таптың ба тек,

Табиғаттың құшағынан.  
Өмір — күрес, жанталас бір,  
Шындық үшін сан таластың.  
Атың мәшіүр бар қазаққа,  
Ардағысың алты алаштың.

Жүректегі шоқтайын нұр,  
Мәңгі өшпес оттайын бір.  
Музан сенің, Магжан аға,  
Алма мойын, ақ қайың жыр.

Ұлыға ажал жоласын ба,  
Жетпес қолдар дара шыңға.  
Тудың — тірі жүрсің әлі,  
Ақ қайыңдар арасында.

# *Притих*

I

Жиырмасыншы ...  
Асылы да, жасығы да көп ғасыр!  
Талай рет...  
Шыбын жаны шырқыраған шоқ басып.  
Киянатын,  
қасіретін,  
қатесін,  
Ақтар болса —  
тарих өзі ақтасын.

О, заманда!

Ренжіме,  
Тоқташы,  
Білемін ғой...  
Жүргеніңді жүрегіңмен от тасып.  
Ұлылығын бірақ біздің ғасырдың,  
Мақтар болса —  
тарих өзі мақтасын.

Бір бояуга сыймайтуғын тұлғасы,  
Мінезі ірі...  
Фажап ғасыр — бұл ғасыр!  
Өзге өлшемді  
Айтпағанның өзінде —  
Осы ғасыр — Әуезовтің құрдасы!

Жұлдыз көп те,  
 Ай — жалғыз,  
 Алқаракөк аспанда.  
 Асау өзен қайрансыз,  
 Алып мұхит тасқанда.

Қарға қалар шаңында,  
 Қыран қақса қанатын.  
 Шымшық не істер  
                                  баянда,  
 Бұлбұл әнге салатын.

Жүйрік жүйрік дегенмен,  
 Хас тұлпары бір бөлек.  
 Құс төресі дегенмен,  
 Ақсұңқары бір бөлек.  
 Тіл орақша органмен,  
 Шыға бермес лағыл сөз.  
 Сүйкімді көп болғанмен,  
 Хас сұлулық қарыр көз.

Тектінің де тектісі,  
 Болатыны тәрізді.  
 Қолегейлер жоқ мұсін,  
 Әуезовтей абызды.

Мұқтар шыңы — дара шың,  
 Хантәңірі өнердің.  
 Шықсан құмар қанар шын,  
 Маңдайыңнан өбер күн.